

UOctavia nesi-8

Ibhalwe nguJacqui L'Ange | Imizobo nguJulie Smith-Belton



UOctavia ingwane wayehlala kwihlathi
lembuyambuya enkulu yolwandle, emanzini abandayo
acocekileyo ngaseludongeni lonxweme lweAfrika.

Ngexesha lasemini, wayephuma kuloo mqolomba
wakhe unamatye azondanda phakathi kwamagqabi
amade aze adlale kwimitha yelanga eyayikhanyisile
isuka phezulu.

Kwakukho iikhoral iezimbala iqaqambileyo
emngangathweni oyisanti, kunye nemiqolomba emihle
yokuzifihla. UOctavia wayeyithanda igadi yakhe,
kuba wayeneqhinga elikhethekileyo – wayekwazi
ukutshintsha umbala wakhe ufane naloo ndawo
aphumle phezu kwayo. Wayekwazi nokutshintsha
ulusu lwakhe lube rhabaxa njengamatye, okanye lube
nameva njengekhorali.

Oku kwamenza wayincutshe ekudlaleni undize,
kuba abahlobo bakhe babengakwazi tu ukumbhaqa!
Ngamanye amaxesha wayezifihla de abahlobo bakhe
badikwe kukumhangela baze badade bemke. Emva
koko wayephuma adade ngesantya etsazisa umsinga
wamanzi emva kwakhe.

Kodwa wayefika eme qho xa efika ngasekupheleni
komda wolwandle.

Le yindawo apho intsele yolwandle yayisehlela ezantsi,
enonzobileni. UOctavia wayekoyika ukuya apho.

“Ndiyakuthanda ukuba sendaweni apho kukho
into endiza kukwazi ukubambelela kuyo,” waxelela
abahlobo bakhe abasenyongweni abasibhozo.

“Singena nje kancinci,” batsho, “siphinde sijike.”



Kodwa noxa bazama kangangoko benako, zange
bakwazi ukumenza ahambe nabo uOctavia.
Wayebalinda apha ekupheleni komda, ethe
ntshoo kule nzonzobila de abone loo mibala yabo
iqaqambileyo isithi thuu kobo bumnyama.

Ngenye imini eyayivuthuza, amanzi ayelwatuza.
Amaza amhlophe ayebetheka emazantsi
olwandle, namaza aphantsi kwamanzi
ayetyhalela ingca yaselwandle ngapha nangapha,
kwaye esenza, izityalo zaselwandle zidanise.

UOctavia wahamba eyokhangela abahlobo bakhe
kufuphi nomda wolwandle – waze watyhaleleka
ngaphaya komda!

Amaza ambhuqabhuqa emsa emazantsi emjikelezisa
ngapha nangapha. Ngomothuko, uOctavia watsazisa
umsinga weinki emnyama. Ngoku wayengasaboni
kwanto – kwaye wayesaqhubeka ebhukuleza kwaye
esihla ngokuhla. Zontathu iintliziyo zakhe zazingongoza
ngamandla, kwaye wayeziva ngathi isisu sakhe
siguqulelekele ngaphandle.

“Ncedani!” wakhala.

Kobo bumnyama, weva into ebamba olunye lweempo-ndwana zakhe zokuva, yayibugopherha kwaye igudile.

“Ndikufumene!”
watsho uKhalo unonkala.

“Nam ngokunjalo!” watsho uStella
intlanzi eyinkwenkwezi, ebamba
olunye uphondwana lokuva
ngaloo ngalo yakhe inameva.

“Nam owesithathu!” watho uPJ ukrebe oyipijama.

Ngabanye ngabanye, abahlobo bakhe badada
baphuma kobo bumnyama kwaye emnye kubo ebambe
uphondwana lokuva. Nehlabathi laqalisu ukuzola.
UOctavia wabambelela nkqi wavuma bamkhokelele
egadini yakhe.



Bathi bakufumana indawo efanelekileyo, uRay wanabisu
amaphiko akhe ukuze abakhusele kuqhwithela lwamaza,
baze bonke bazisonga, bevuyela ukuba ndawonye.

Kwaye ngenxa yeqhinga elikhethekileyo likaOctavia,
kwakungekho lula ukukhawuleza utsho ukuba omnye
umhlobo uqala phi nokuba abanye baphelela phi!

UOctavia nesi-8

Ibhalwe nguJacqui L'Ange • Imizobo nguJulie Smith-Belton

Izimvo eninokuthetha ngazo

UOctavia wayesoyika ukuphuma aye ngaphaya kwenqameko lolwandle. Yintoni oyoyikayo? Yintoni ongayenza ukuze uzive ngcono xa uziva usooyika? Khawuncede usixelete ngexesha owawusoyika ngalo waze wancedwa ngumntu okanye yinto.



Umfanekiso

Yiya kwiphetshana lemisetenzana apha: <https://nalibali.org/story-supplies/activity-sheets>

Sebenzisa umfanekiso wokugqibela webali ukukunceda ufade imibala kubahlolo bakaOctavia.



Ukufunda

Lifunde kwakhona ibali uze wenze uluhlu lwazo zonke izinto ezifunyanwa kulwandlekazi.



Ukubhala

Yenza incwadi engabhalwanga nemilo yentlanzi okanye ucele umntu omdala akwenzele. Bhala kwaye ubonise ibali elimalunga naphantsi kolwandle encwadini. Okanye zoba imifanekiso uze ucele umntu omdala akubhalele amagama omxelela wona.



Ubuchule

Peyinta umphakathi webhokisi ngokuluhlaza okwesibhakabhaka uze wenze izinto ezincinci ezhhlala phantsi kwamanzi usebenzisa amaqokobhe, iingqalutye kunye nezidalwa nezityalo zaselwandle ozenze ngemathiriyeli ebietyenzisiwe yaze yalungiswa ukuze isetyenziswe kwakhona kunye nephepha elimibalabala.



Ukwenza

Yenza ngathi usisidalwa saselwandle okanye isityalo saselwandle: hexa njengembuyambuya yolwandle, dada njengentlanzi encinci, dada njengentlanzi enkulu, kekela njengononkala uze uhambe emanzini njengengwane.

